

顧亭林先生遺書

上海棋盤街
文瑞樓印行

崑山顧亭林先生著

山東攷古錄

軍毅題

山東攷古錄

崑山顧炎武甯人著

華不注解

華不注。伏琛三齊記云。不音跗。讀如詩鄂不韡韡之不。謂花蒂也。言此山孤秀如花。跗之注於水也。按詩箋云。承華者鄂不。當作跗。鄂是也。疏云。華下有鄂。鄂下有跗也。古音不。跗同。左傳成公十六年。有韞韋之跗。注云。韞韋。戎服。若袴而屬於跗。與袴通。疏云。自腰以下而注于脚。當是古人有此語耳。

辨靡笄

齊乘華不注。亦名靡笄山。非也。左傳云。從齊師于草。云。六月壬申。師至于靡笄之下。云癸酉。師陳于鞍。曰逐之。三周華不注。曰丑父使公下。如華泉取飲。其文自有次第。鞍在華不注之西。而靡笄又在其西。可知金史。長清有靡笄山。

攷古地里

戰于鞍。與三周華不注。同是一日。計不甚遠。而穀梁傳曰。鞍去國五百里者。據公羊傳注。古六尺為步。三百步為里。今以三百六十步為里。而尺又大于古四之一。

今之六十二里。遂當古之百里。今厯城至臨淄。正符此數。孟子千里而見王。以今計之。自鄒至齊。亦不過六百里也。後漢書。耿弇與張步戰于臨淄東城下。追至鉅昧水上八九里。僵尸相屬。今臨淄至鉅昧水。亦止六十里耳。

攷五帝

華不注山下有廟。內安五帝像及主。而書其主曰。青帝勾芒氏。赤帝祝融氏。白帝蓐收氏。黑帝玄冥氏。其中獨無黃帝。不知何人所為。厯城志云。舊為華陽宮。嘉靖十一年。巡撫袁宗儒改為崇正祠。提學陸錢記。祀逢丑父。閔子騫。兩廡祀鐵鉉等二十二人。黃福等十九人。今廢。仍為華陽宮。祀四季之神。稱為四季。尤不可解。按禮記月令。春其帝太皞。其神勾芒。夏其帝炎帝。其神祝融。季夏其帝黃帝。其神后土。秋其帝少皞。其神蓐收。冬其帝顓頊。其神玄冥。此五帝與五行之官。各自為神。文義甚明。家語季康子問于孔子曰。舊聞五帝之名。而不知其實。請問何謂五帝。孔子曰。丘也聞于老聃曰。天有五行。水火金木土。分時化育。以成萬物。其神謂之五帝。古之王者。易代而改號。取法五行。五行更王。終始相生。亦象其義。故其生為明王者。死而配五行。是以太皞配木。炎帝配火。黃帝配土。少皞配金。顓頊配水。康

子曰太皞其始于木何如孔子曰五行用事先起于木木東方萬物之初皆出焉是故王者則之而首以木德王天下其次則以所生之行轉相承也康子曰吾聞勾芒為木正祝融為火正蓐收為金正玄冥為水正后土為土正此五行之主而不亂稱曰帝者何也孔子曰凡五正者五行之官名五行佐成上帝而稱五帝太皞之屬配焉亦云帝從其號昔少皞之子有四叔曰重曰該曰修曰熙實能金木及水使重為勾芒該為蓐收修及熙為玄冥顓頊之子曰黎為祝融共工氏之子曰勾龍為后土此五者各以其所能業為官職生為上公死為貴神別稱五祀不得同帝今乃合之為一豈非並月令家語而未之見乎

攷歷山下大澗

昔之守濟南者以澗為固元史史樞傳李璫叛據濟南樞從父天澤往討之城西南有大澗亘歷山樞一軍獨當其險夾澗而陣董搏霄傳賊衆自南山來攻濟南望之兩山皆赤搏霄按兵城中先以數十騎挑之賊悉來鬪騎兵少卻至澗上伏兵起遂合戰城中兵大出大破之今其遺跡不復可攷志書亦不載此二事

攷靈巖寺

靈囂在宋時為山東名刹。士大夫來者。往往與寺僧酬和。迨今幾五百年。屢經被火。而石刻之存者。尚有數十。可以想見當時之盛。自金之末年。遂為屯兵之地。金史侯摯傳。摯行省事於東平。權本路兵馬都總管。請兵于長清之靈囂寺。有屋三百餘間。且連接泰安之天勝寨。萬一兵來。足相應援。元史嚴實傳。泰安張汝楫據靈囂。遣別將攻長清。實破走之。此皆一方大事。而志不之及。即石刻僅錄十之一。而近年之亂。多為人取用不存。良可惜也。

古時帝王巡狩東嶽。大抵自兗州而東。唯唐高宗自齊州而南。舊唐書本紀。麟德二年十二月丙辰。發靈囂頓。至泰山下。

攷鐵

漢時濟南為產鐵之地。後漢志言東平陵有鐵。歷城有鐵。又韓祐傳。肅宗賜陳寵寶劍。曰濟南椎成。注。椎。直追反。漢官作鍛成。是不惟產鐵。又出名劍。今府學之鐵牛。靈囂寺之鐵袈裟。皆鐵之精英。發見於地上者也。

攷竹

北方古稱多竹之地有三。淇。渭。沔。史記河渠書。下淇園之竹。以為楫。後漢書寇恂

傳。伐淇園之竹。為矢百餘萬。此衛竹也。史記貨殖傳。渭川千畝竹。漢書有司竹監。此秦竹也。樂毅報燕惠王書。薊邱之植。植于汶篁。潘岳笙賦。鄒魯之珍。有汶陽之孤篠焉。而古詩亦云。冉冉孤生竹。託根泰山阿。此魯竹也。又左傳。齊人弑懿公。納諸柙中。而晉書焚申池之竹木。則齊都之旁。亦有竹矣。今語北人種竹。輒云土性不宜。何也。

辨魯地為古徐州

晉書天文志。所載分野。全不足信。其云角亢氏鄭兗州。又云。泰山八角十二度。濟北入亢五度。按泰山。在春秋時為魯境上。濟北郡治。盧在春秋時為齊邑。史記泰山之陽。則魯。其陰則齊。唐書天文志。岱嶽衆山之陰。為女虛危。岱嶽衆山之陽。為奎婁。其說甚當。禹貢徐州之北。青州之西南。皆距泰山郡。乃古徐州之地。古之兗州。在濟河之間。晉志不辨。而以今之兗州。為古之兗州。遂以應角亢之分。以合于史記天官書之記。洪氏譏其不知地理。信矣。

辨無字碑為漢立

嶽頂無字碑。世傳為秦始皇立。按秦碑。在玉女池上。李斯篆書。高不過四五尺。而

銘文並二世詔書咸具。不當又立此大碑也。攷之宋以前亦無此說。因取史記反復讀之。知為漢武帝所立也。史記秦始皇本紀云。上泰山立石。封祠祀。其下云。刻所立石。是秦石有文字之證。今李斯碑是也。封禪書云。東上泰山。泰山之草木葉未生。乃令人上石。立之泰山巔上。遂東巡海上。四月。還至奉高。上泰山封。而不言刻石。是漢石無文字之證。今碑是也。後漢書祭祀志亦云。上東上泰山。乃上石。立之泰山巔。然則此無字碑。明為漢武帝所立。而後之不讀史者。誤以為秦耳。始皇刻石之處凡六。史記書之甚明。于鄒嶧山。則上云立石。下云刻石。頌秦德于泰山。則上云立石。下云刻所立石。于之罘。則二十八年云立石。二十九年云刻石。于琅琊。則云立石刻頌秦德。于會稽。則云立石刻頌秦德。無不先言立。後言刻者。惟于碣石。則云刻石。碣門。門自石。不須立也。古人作史。文字之密如此。使秦皇別立此石。秦史焉得不紀。使漢武有文刻石。漢史又安敢不錄乎。

辨高里山

泰安州西南二里。俗名蒿里山者。高里山之訛也。史記封禪書。十二月甲午朔。上親禪高里。漢書武帝紀。太初元年十二月。禪高里。注。伏儼曰。山名。在泰山下。乃若

蒿里之名。見于古挽歌。不言其地。漢書武五子傳。蒿里傳兮郭門闕。注。師古曰。蒿里。死人里。審若此山。為死人之里。武帝何所取而禪祭之乎。自晉陸機泰山吟。始以梁父蒿里並列。而後之言鬼者因之。遂令古昔帝王降禪之壇。一變而為閻王鬼伯之祠矣。

漢書上親禪高里。師古注曰。此高字。自作高下之高。而死人之里。謂之蒿里。其字為蓬蒿之蒿。或者誤以高里為蒿里。誤同一事。陸士衡尚不免。況餘人乎。

原鬼

余嘗攷泰山之故仙論。起于周末。鬼論起于漢末。左氏國語。未有封禪之文。是知三代以上。無仙論也。史記漢書。未有攷鬼之說。是知元成以上。無鬼論也。遁甲開山圖曰。泰山在左。元父在右。元父知生。梁父主死。博物志曰。泰山一日天孫。言為天帝之孫。主召人魂魄。知生命之長短。此二者。皆其說之所本。其初見于史者。則漢書方術傳。許峻自云。嘗篤病。三年不愈。乃謁泰山請命。烏桓傳。死者神靈歸赤山。赤山在遼東西北數千里。如中國人死者。魂神歸泰山也。三國志管輅傳。謂其弟辰曰。但恐至泰山治鬼。不得治生人如何。而劉楨贈五官中郎將詩。有曰。常恐

游岱宗。不復見古人。然則鬼論之興。其在東漢之世乎。

或曰。地獄之說。本于宋玉招魂之篇。長人土伯。則夜叉羅刹之論也。爛土雷淵。則刀山劍樹之地也。雖文人之寓言。而意已近之矣。于是漢魏以下之人。遂演其說。而附之釋氏之書。昔宋儒胡寅。謂閻立本寫地獄變相。而周興來俊臣。得之以濟其酷。又孰知宋玉之文。實為之祖。孔子謂為俑者不仁。有以也夫。

辨淙河

嶽之西南。有水出谷中。為西溪。自大峪口至州城之西。而南流入于泮。曰淙河。其水在高里山之左。有橋跨之。曰淙河橋。世傳人死魂不得過。而曰奈何。此如漢高帝云柏人者。迫于人也。

攷社首

史記。周成王封泰山。禪社首。唐書。高宗乾封元年正月庚午。禪社首。玄宗開元十三年十一月辛卯。禪社首。宋史。真宗大中祥符元年十月壬子。禪社首。今高里山之左有小山。其高可四五丈。志云。即社首山。在嶽旁。諸山中最卑小。不知古人何取于此。意者封于高。欲其近天。禪于下。欲其近地。且山卑而附嶽址。便于將事。初

涉高山之後。不欲更勞民力耶。

攷碧霞元君

世人多以碧霞元君為泰山之女。後之文人。知其說之不經。而曲引黃帝遣玉女之事。以附會之。不知當日所以褒封。固真以為泰山之女也。今攷封號。雖自宋時。而泰山女之說。西晉以前已有之。張華博物志。文王以太公望為灌壇令。期年。風不鳴條。文王夢見有一婦人。甚麗。當道而哭。問其故。婦人曰。我東海泰山神女。嫁為西南婦。欲東歸灌壇令。當吾道。太公有德。吾不敢以暴風疾雨過也。文王夢覺。明日召太公。三日三夕。果有疾風驟雨去者。皆西來也。文王乃拜太公為大司馬。此一事也。于寶搜神記。後漢胡母班。嘗至泰山之側。為泰山府君所召。令致書于女壻河伯。云至河中流。扣舟呼青衣。當自有取書者。果得達。復為河伯致書府君。此二事也。列異傳記祭文事。又以天帝為泰山神之外孫。自漢以來。不明乎天神地祇人鬼之別。一以人道事之。於是封獄神為王。則立寢殿為王夫人。有夫人。則有女。而女有壻。又有外甥矣。唐宋之時。但言靈應。即加封號。不如今之君子。必求其人以實之也。

又攷泰山。不惟有女。亦又有兒。魏書段承根傳云。父暉師事歐陽湯。有一童子。與暉同志。後二年。童子辭歸。從暉請馬。暉戲作木馬與之。童子甚悅。謝暉曰。吾泰山府君子。奉勅游學。今將歸。損子厚贈。無以報德。子後至常伯封侯。非報也。且以為好。言訖。乘馬騰虛而去。集異記言貞元初。李納病篤。請押衙王祐禱于岱嶽。遙見山上有四五人。衣碧汗衫半臂。路人止祐下車。言此三郎子。七郎子也。山東通志。後唐長興三年。詔以泰山三郎為威權將軍。宋真宗加封炳靈公。夫封其子為將軍為公。則封其女為君。正一時之事爾。又攷元劉遵魯漁島記。曰廟中神妃相傳為東海廣德王第七女。夫海有女。則山亦必有女也。

攷人祖

泰山上有人祖殿。不知何取。三秦記曰。驪山顛有人祖廟。不齋戒而往。即風雨迷道。長安志曰。即秦始皇祠。蓋本之史記所云。祖龍者。人之先也。今臨潼志以始皇不應祀典。改為三皇廟。按史記封禪書。南山巫祠。南山秦中。秦中者。二世皇帝。夫二世尚祀。奚必始皇之不祀乎。

錄唐敕

泰山之東南麓。王母池西有唐岱嶽觀。今存茅屋三楹。土人稱為老君堂。其前有碑二。高八尺許。上施石蓋。合而束之。俗呼為鴛鴦碑。其字每面作四五層。每層文一首。或二首。皆唐時建醮造像之記。而下層為積土所壅。就其上周環讀之。得顯慶六年一首。萬歲通天二年一首。儀鳳三年一首。天授二年一首。聖歷元年一首。久視二年一首。長安元年一首。四年二首。神龍元年一首。景龍元年一首。三年一首。景雲二年二首。開元八年一首。大歷七年一首。建中元年一首。其空虛。又有唐人題名。書法不一。東側面有詩一首。其下題名。西側面題名。亦有詩一首。中二側皆無字。唐碑自磨厓之外存者。唯此以小而雙束。故不什。書非名筆。故摹拓者少。而獨完至今。因歎唐時六帝一后。修齋建醮。凡二十記。共此二碑。亦異乎近代之每歲一碑。以勞人而災石者矣。但不知趙明誠金石錄。何以不收。恐古人碑記失傳者正多耳。其初一首。詩一首。文辭斐。因錄于後。

碑字凡大周年者。天作𠂔。地作塋。人作王。聖作壘。年作𠂔。月作𠂔。亦作𠂔。日作𠂔。授作檢。初作壓。唯履字無可改。疑是應字。凡數字。作壹貳參肆捌玖等字。皆武后所改。及自制字。其壘應碑有云。設金籙寶齋。河圖大醮。泰。泰。古七字。太玄經。梲。

擬之二泰是也。後人不知。妄于左旁添鑿三點。淺而大。又稍偏。知非一筆。

敕

景雲二年六月二十三日。皇帝敬憑太清觀道士楊大希。于名山祈燒。供養惟靈。蘊秘凝真。含幽綜妙。類高旻之亭育。同厚載之陶鈞。蓄洩烟雲。蔽虧日月。五芝標秀。八桂流芳。翠嶺萬尋。青溪千刃。當作蛻裳戾止。恆為碧落之延。鶴駕來游。即是玉京之域。百祥覃于遠邇。五福被于黎元。往帝所以馳心。前王由其載想。朕躬膺寶位。嗣守昌圖。恐百姓之不甯。慮八方之未泰。式陳香薦。用表深衷。實冀明靈降茲休止。所願從今以後。浹常安。朕躬男女六姻。永保如山之壽。國朝官寮萬姓。同符擊壤之歡。魚鳥遂性于飛沈。夷狄歸心于邊徼。實希靈鑒。用副翹誠。今因煉師。遣此不悉。

詩

早春陪敕使麻先生祭岳。守博城縣令馬口口。我皇盛文物。道化天地先。鞭撻走神鬼。玉帛禮山川。忽下玄州使。來游紫洞前。青羊得處所。白鶴口時年。虔懇飛龍記。昭彰化鳥篇。口風半山水。口氣摠雲烟。光抱昇中日。霞明五色天。

山橫翠微外。室在綠潭邊。緹幕灰初應。焚林火欲然。年光著草樹。春色換山泉。
伊水來何日。嵩岩去幾千。山疑小天下。人是會神仙。葉令乘鳬入。浮邱駕鶴旋。
麻姑幾年歲。三見海成田。按久視二年記云神都青元觀主麻慈力即其人也
武后遣之至觀修醮神都即東都故有伊水嵩巖之

句字半列落其
不可知者闕之

錄宋牒

泰山東南麓升元觀有宋牒碑。其大字草書甚遒勁。不知何人筆。錄之以見當日
牒文之式。攷宋史婁寅亮傳。但云政和二年。進士為上虞丞。不言歷官兗州。亦可
以此碑補史之闕。其曰太師魯國公。則蔡京也。

尚書省牒准泰甯軍奉符縣升元觀

左第一行

泰甯軍狀。據兗州儀曹掾兼兵曹婁寅亮狀稱。契勘兗州奉符縣泰山之下。有
古洞天周三十里。名曰三宮空洞之天。載在圖經是實。即目宮觀。并無名額。却
有建封院一所。逼連嶽廟之後。殿屋完備。田產頗多。只一村僧佔據住持。任從
民間安攢邱墓。穢惡不蠲。深慮觸瀆真仙。不便欲乞備申朝廷。改為道觀。州司
看詳。本院委合。改充前伴同天道觀。伏候指揮。右小牒奉敕。宜賜升元觀為額。

牒至准敕故牒

右大字
草書

起復太中大夫守左丞王

特進少宰

起復少太宰

太師魯國公

不押 右字畧小真書

政和八年六月十四日牒

右末一行

政和八年閏九月二十一日襲慶府管內都道正兼催措置知升元觀事洞元

太師賜紫道士李冲寂立石

右左方之下

普照寺有金大定五年牒碑長春觀有元丁亥年牒碑其式畧同金元碑並有

印曰尚書禮部之印即今篆文不用女直蒙古字

錄元聖旨

元史泰定帝本紀有即位一詔文極鄙俚蓋以曉其本國之人者今嶽廟有二碑其文亦然可發一笑然其曰每年燒香的上頭得來的香錢物件只教先生每收掌者則是時香錢固未嘗以入官也後世言利之臣蓋元之不如也已

長生天氣力裏大福蔭。護助裏皇帝聖旨。軍官每根底。軍人每根底。管城子達魯赤官人每根底。來往的使臣每根底。宣諭的聖旨。成吉思皇帝。月古台皇帝。薛禪皇帝。完澤篤皇帝。曲律皇帝。普顏都皇帝。格堅皇帝。聖旨裏和尚也里可溫先生達識蠻。每不揀甚麼差發休當者。告天祝壽者。麼道有來如今依着在先聖旨體例裏。不揀甚麼差發休着者。與咱每告天祈福者。麼道泰安州。有的泰山東嶽廟住持。提點通義守正淵靖大師張德璘。生每根底。執把行的聖旨與了。也。這的每廟宇房院裏。使臣休安下者。鋪馬祇應休拿者。商稅地稅休與者。但屬他們的水土園林碾磨鋪席。不揀甚麼。他每的休倚氣力奪要者。每年燒香的上頭。得來的香錢物件。只教先生每收掌者。廟宇損壞了呵。修理整治者。這的每其間裏。不揀是誰休入來。休沮壞者。更這張德璘梁道根底聖旨。與了也無體例勾當行呵。他不怕甚麼。聖旨。泰定年。鼠兒年。十月二十三日。大都。有時分寫來。

至正四年。猴兒年。聖旨。略同。

錄白龍池題名